

活出快樂的人生

古錐：A

古意：B

A：叭呼（pu）！叭呼！早早起床，目睷才袂起茫霧。（出場掃塗跔）

B：人講三日透早，趁著一隻水牛欄。（出場咳嗽）

A：古意劈早

B：古錐劈早，真乖！你佇掃地喔，我敢有看重耽，今一日頭公仔就猶未曝著尻川咧。

A：人阮老師教阮歇睏佇厝，就愛鬥整理環境。

B：來！來！來！我共你教，「掃地就愛掃壁邊，洗面就愛洗耳邊」。

A：著！著！阿你當時閣欲娶某——就加一个阿婆。

B：你最近台語閣講甲誠輦轉，做代誌是「會曉洗面毋免佻濟水」。喀（khennh）！喀！喀。

A：古意！你那會一直嗽，會予我心肝煩惱一直吼。

B：嘿嘿！就親像你一直掃（嗽），才會清氣啦！肺管才袂窒牢咧。

A：這一丈差九尺，「地比天，無鹽咧比西施」，你猶是改薰，才會出好運。

B：彼「『嘟嘟好』（拄拄好）——就那囡仔坐火車」爾爾。

A：食薰對身軀有真濟敗害，我來講幾條仔報你知。

B：莫佇遐咧「蟹蜆展氣功——膨風」，這薰若無人食，種薰的薰窯就飼蠔兼關門。

A：食薰是規厝間蓬蓬块，天篷卡薰是變黃黃，空氣閣袂通散，予人軟著呿（khuh）呿嗽。

B：這款小代誌，抑著報人知，你是「袂曉使船閣嫌溪彎」，人講：飯後一支薰煙，快樂若神仙。

A：「講到予你捌，喙鬚就好拍結」，薰有『尼古丁』，會予心跳加速，血壓衝懸佢引起跤手尾血管的收縮，長期落來緊早慢會致著心臟血管的病症。

B：敢是「草地聖旨、抑是底片走光—無影啦」。

A：薰煙的『一氧化碳』會阻礙正常的氧佢紅血素的結合，造成體內欠氧，彼細胞枵枵，時到著死了了。

B：啥物勇（氧）？當時你醫學遮勢，今—抑無賣茶，抑無賣花，講甲花膏膏，予我聽攏無。

A：你真正是「棺材內唱曲—毋知死活」，薰的焦油會刺激物質，是造成慢性肺管炎、肺腫佢各種癌症的兇首。

B：有遮嚴重！抑你講甲若袂輸「墓仔埔放炮—驚死人」。

A：網路佢LINE攏寫甲滿滿是，為著咱的親誠佢朋友，毋通製造二手的薰煙，害人閣害家己。

B：你敢是「半暝的路燈---有遮高明」，我是呂布看著貂蟬---予迷去矣，欲哪改會起來。

A：諄！人講：「巧的顧身體，戇的著顧家伙」，改了就會感受空氣的清新佢食物的好口味。

B：喀！喀！這久年症頭，「諸葛亮演空城計—無法度」。

A：朋友鬥陣，俗賣大放送，教你擲掉薰佢火，食薰的歹習慣就改除，愛捷捷淋水，飯後會記得愛洗喙。

B：捷淋水！捷淋水！腹肚連鞭嘛變水櫃，敢無較好的步數，薰若無食是規身軀誠礙虐。

A：今仔日落價大拍賣，教你飯後袂使恬恬坐，行路散步軟空氣，活動筋骨有意義。

B：你講甲誠有道理，了身體兼開錢，不而過無紮薰伶火，手閣會烏白

A：用筆準做手提薰，菜頭、芹菜當做薰來咬。

B：真正坐的毋知倚的艱苦，兩工仔無食是頭痛、失眠兼頭楞。

A：飯後減一口，予你活到九十九。

B：今馬就換食「苦瓜燴鯪魚—就苦憐（鯪）」。

A：勸你做好代，較贏我逐工食早齋。

B：好習慣顧身體，日後才袂來夯枷。

A：人講寶島佇臺灣，好的生活用袂完。

B：歡喜快樂向前行，人人攏有好名聲。

A&B 古錐、古意落台行禮。